

杜律單註卷之四

鵲湖陳明輯

東陽蔣瑜校

遠遊

賤子何人記迷方著屨家竹風連野色江沫擁春沙種藥  
扶衰病吟詩解嘆嗟似聞胡騎走失喜問京華

愚按是年史朝義自殺公在遐方聞而未真喜而賦此詩言賤子乃迷方之人到處為家誰能記憶之耶  
惟見竹連野色江擁春沙耳或種藥以扶衰病或吟詩以嘆嗟今也似聞胡騎之走故失喜而問京都何

知耶賦也

### 春日梓州登樓二首

行路難如此登樓望欲迷身無却少壯跡有但羈栖江水  
流城郭春風入鼓鞞雙雙新燕子依舊已啣泥

公於客居見新燕而嘆身老特危故以行路難如此  
登樓望欲迷為起語且用身無却少壯等語接之讀  
之令人悽惋賦無興也

天畔登樓眼隨風入故園戰場今始定移柳更能存厭蜀  
交將冷思吳勝事繁應須理舟楫長嘯下荆門

定功曰荆門山在江陵府其峰對起如門○言天畔  
登樓而望故園且曰兵戈始定所移之柳更能存乎  
本也厭蜀之交態而思吳之勝事必將理舟楫而下  
荆門矣賦也

### 花底

紫萼扶千藥蓄鬢餘萬花忽疑行暮雨何事入朝霞恐是

潘安縣堪留衛玠車深知好顏色莫作委泥沙

夢弼曰衛玠字叔寶風神秀異總角乘羊車入市見  
者以為玉人○首六句言花底有似潘岳河陽縣可  
留衛玠之車末言深宜愛護勿致零落而委泥沙似  
勉人當惜寸陰之意比也

### 柳邊

只道梅先發那知柳亦新  
枝枝總到地葉葉自開春  
紫燕時翻翼黃鸝不露身  
漢南應老盡灞上遠愁人

(鶴曰)漢南應老盡公自喻在梓州也灞上遠愁人公懷長安也○此詩觀物感時之邁而作第一句起下六句末二句結上六句賦也

### 鄴城西原送李判官兄武判官弟赴成都府

憑高送所親久坐惜芳辰  
遠水非無浪他山自有春  
野花隨處發官柳著行新  
天際傷愁別離筵何太頻

(鄭三)鄴縣屬梓州○此詩首二句惜別而生中四句之景物末二句結首二句而離思別愁見於言外賦也

### 題鄴原郭二十二明府茅屋壁

江頭且繫船為爾獨相憐  
雲散灌壇雨春青彭澤田  
頻驚適小國一擬問高天  
別後巴東道逢人問幾賢

(夢弼曰)博物志太公為灌壇令武王夢婦人當道夜哭問之曰吾是東海神女嫁於西海神童我行必有疾風大雨今為灌壇令當道廢我行王覺召大公問之果有疾風大雨從太公邑外過晉陶潛為彭澤令在縣公田悉令種秫稻

### 奉送崔都水翁下峽

無數涪江筏鳴橈總發時別離終不以宗族忍相遺白狗

黃牛峽朝雲暮雨祠所過憑問訊到日自題詩

鄭曰十道志開州有白狗峽二石隱起如白狗又有黃牛峽高崖上有石色黃如牛宋玉高唐賦昔者先王嘗遊高唐夢見一婦人曰妾巫山之女也旦為朝雲暮為行雨旦朝視之如言故為立廟號曰朝雲○首四句言崔翁下峽別離不久但親戚不忍相遺爾時公亦將出峽故云後四句言憑崔於所過之地而問訊他日我到自當一一題詩賦也

陪李梓州王闌州蘇遂州李果州四使君登惠義寺

春日無人境虛空不住天鶯花隨世界樓閣倚山巔遲暮

身何得登臨意惘然誰能解金印瀟洒共安禪

覺範曰不住者言無著也趙曰誰能解金印所以謂四使君也希曰法華經偈安禪合掌○首四句言惠義寺之境物後四句言陪四使君之登臨而四公誰能解印共安禪於此耶賦也

涪江泛舟送韋班歸京得山字

追餞同舟日傷春一水間飄零為客久衰老羨君還花雜

重重樹雲輕處處山天涯故人少更益鬢毛斑

首言泛舟送韋歸京而羨之乃自傷為客之久未乃以花樹雲山起興而天涯故舊稀少更益傷懷耳賦而興也

送竇九歸成都

文章亦不盡竇子才縱橫非爾更苦節何人符大名讀書

雲閣觀問綃錦官城我有浣花竹題詩須一行

首言竇九苦學才成而能文章以符大名次言汝歸成都讀書問綃之餘須為我題詩於浣花之竹蓋懷草堂耳賦也

浣江送客

商月頻送客東津江欲平煙花山際重舟楫浪前輕淚逐

勸盃落秋蓮吹笛生離筵不隔日那得易為情

首聯起下三聯末聯結上三聯然其離思寫得曲折痛快賦也

上牛頭寺

青山意不盡滾滾上牛頭無復能拘礙真成浪出遊花濃

春寺靜竹細野池幽何處鶯啼切移時獨未休

(夢弼曰)寰宇記牛頭山在梓州郫縣南四面孤絕俯臨州郭上有長樂寺樓閣煙花為一方之勝槩

望牛頭寺

牛頭見鶴林梯徑繞幽深春色浮山外天河宿殿陰傳燈

無白日布地有黃金休作狂歌老回看不住心

(適曰)鶴林即靈仙觀也趙曰燈所以照夜而白日亦有之言長明燈也借傳燈字金剛經應無所住而生其心又衆香偈轉不住心退無因果

### 上堯率寺

堯率知名寺真如會法堂江山有巴蜀棟宇自齊梁度信哀雖久何顛好不忘白牛車遠近且欲上慈航

夢弼曰按圖經堯率寺在梓州郫縣南石林葉夢得詩人以一字為工世固知之惟老杜變化開闔出奇無窮殆不可以形迹捕詰知江山有巴蜀棟宇自齊梁則其遠近數千里上下數百年只在有與自兩手間而吞吐山川之氣俯仰古今之懷皆見於言外也趙曰度信作哀江南賦何顛疑是周顛

### 數陪李梓州泛江有女樂在諸舫戲為豔曲二首

上客迴空騎佳人滿近船江清歌扇底野曠舞衣前玉袖

凌風並金盞引浪偏競將明媚色偷眼豔陽天

(夢弼曰)梁簡文詩內人詩風吹玉袖香鮑照詩朔風吹朔雪千里度龍山蘇晨自為美當避豔陽天

白日移歌袖青霄近笛床翠眉縈度曲雲鬢儼分行立馬

千山暮迴舟一水香使君自有婦莫學野鴛鴦

(鮑曰)古詩云度曲翠眉低(瓚曰)謂歌終更授其次謂之度曲(備可曰)古樂府羅敷作陌上桑云秦氏有美女自名為羅敷使君謝羅敷寧共載不羅敷前致詞使君一何愚使君自有婦羅敷自有夫時李梓州

泛江有文樂公用此詞之

惠義寺送王少尹赴成都分得峰字

萼萼谷中寺娟娟林表峰  
欄干接處遠結構坐來重  
騎馬行春徑衣冠起暮鍾  
雲門青寂寂此別惜相從

送韋郎司直歸成都

竄身來蜀地同病得韋郎  
天下兵戈滿江邊歲月長  
別筵花欲暮春日鬢俱蒼  
為問南溪竹抽梢合過墻

公自註余草堂在成都西郭浣花里夢弼曰吳越春秋子香曰子不聞河上歌乎同病相憐同憂相救南

溪即浣花溪南也○詩言避兵來蜀郡同病同老於此日又者以天下亂未定故也今韋又別我歸成都幸為問凱草堂之竹此與送竇九詩同意賦也

東津送韋諷攝閬州錄事

聞說江山好憐君吏隱兼  
龍行舟遠泛惜別酒頻添  
推薦非承乏操持必去嫌  
他時如按縣不得慢陶潛

巴西驛亭觀江漲呈竇十五使君三首

宿雨南江漲波濤亂遠峰  
孤亭凌噴薄萬井逼春容  
霄漢愁高鳥泥沙困老龍  
天邊同客舍携我豁心膺



鶴曰：綿州號巴西郡。

轉驚波作怒，即恐岸隨流。賴有盃中物，還同海上鷗。關心

小郊縣，傍眼見揚州。為接情人飲，朝來減片愁。

向晚波微綠，連空岼却青。日兼春有暮，愁與醉無醒。漂泊

猶盃酒，躑躅此驛亭。相看萬里別，同是一浮萍。

行次鹽亭縣，聊題四韻奉簡嚴遂州、蓬州二使君。諮

### 議諸昆季

馬首見鹽亭，高山擁縣青。雲溪花淡淡，春郭水泠泠。全蜀

多名上，嚴家裴德星。長歌意無極，好為老夫聽。

鶴曰：鹽亭縣屬梓州。殊曰：蜀都賦：近則江漢炳靈，世載其英，紆若相如，哺若君平。王褒：曉暉而秀發，楊雄

含章而挺生。後漢：陳寔與諸子造荀淑，時德星聚。太史奏曰：五百里內有賢人聚也。○首言次鹽亭縣之

景物，次言奉簡嚴家，此秀之意賦也。

### 倚杖

看花雖郭外，倚杖即溪邊。山縣早休市，江橋春聚船。狎鷗

輕白浪，歸鴈喜青天。物色兼生意，淒涼憶去年。

公曰：註鹽亭縣作○詩言看花倚杖於郭外溪邊而物色生意滿前，故憶去年之淒涼賦也。

鼓同鼓音示  
按赤古菽字  
豆一名赤故从  
赤

陪王漢州留杜綿州泛房公西湖

舊相恩追後春池賞不稀  
閑庭分未到舟楫有光輝  
鼓化尊絲熟刀鳴鱸縷飛  
使君雙阜蓋難淺正相依

(鶴曰)西湖在漢州即房瑄所鑿城西池也(洙曰)舊相謂房瑄也瑄罷相後為漢州刺史世說陸機請王武子武子前有羊酪指示陸曰卿吳中何以敵此陸曰下里尊羹但未下鹽豉可尊得鹽豉尤美千里蓋滿名也潘安仁西征賦饕人切縷鸞刀若飛(詩首言房公罷相刺漢州而鑿城西池起聯與次聯交互相生蓋言房公西湖也(洙曰)言陪王杜二公泛湖而

柑園

春日清江岬千廿二頃  
園青雲羞葉密白雪避  
松繁結子隨邊使開筒  
近至尊後於桃李熟終  
得獻金門

(洙曰)蜀州歲入貢

臺上得涼字

改席臺為迥留門月復光  
雲霄遺暑濕山谷進風涼  
老去一杯足誰憐屢舞長  
何須把官燭似惱鬢毛蒼

(趙曰)雲霄遺暑濕言臺之高如在雲霄間頓失去暑濕之氣詩屢舞挂樓

隨章甫後新亭會送諸君

新亭有高會行子得良時日動暎江幕風鳴排檻旗絕暈  
終不改勸酒欲無詞已墮峴山淚因題零雨詩

夢弼曰晉羊祜卒襄陽百姓於峴山祜平生游憩之所建碑立廟望其碑者莫不流涕杜預因名為墮淚碑詩東山零雨其濛

### 章梓州水亭

城晚通雲霧亭深到芰荷吏人橋外少秋水席邊多近屬  
淮王至高門蒯子過荊州愛山簡吾醉亦長歌

公自註持漢中王道士席謙在會同用荷字韻深曰昔山簡遊習池童兒歌曰山公出何許往至高陽池

曰夕倒載歸酪即無所知此比章梓州也

### 送元二適江左

亂後今相見秋深復遠行風塵為客日江海送君情晉室

丹陽尹公孫白帝城經過自愛惜取次莫論兵

公自註元結也夢弼曰東晉江左以丹陽為重任温嶠嘗為丹陽尹漢公孫述僭偽以魚復縣為白帝城

也須溪曰丹陽係晉室語其忠公孫白帝城則僭偽

言者乎能如此讀方有少進又曰此等結語熟味自

是深厚○詩言亂後今得相見秋深有遠行當此之時為客而又送君情何以堪且今日之為郡者有公忠者有僭偽者元所經過之地須自愛重慎勿輕言

兵事戒之之詞賦兼此也

### 客舊館

陳迹隨人事初秋別此亭重來梨葉赤依舊竹林青風慢  
何時卷寒砧昨夜敲無由出江漢愁緒日冥冥

詩言陳迹隨人事便見題意蓋言其或去或來之不定初秋別而暮秋來梨葉赤而聞砧敲矣且竹林之青自若然我無由出峽而風慢何時卷故愁不自勝賦而興也

### 薄暮

江水最深地山雲薄暮時寒花隱亂草宿鳥擇深枝舊國

見何日高秋心苦悲人生不再好鬢髮白成絲

首言在涪江薄暮之景物而第三四句語意尤切以三聯之承末句之結觀之可知矣興而賦也

### 薄遊

浙浙風生砌團團月隱牆遙空秋鴈滅半嶺暮雲長病葉  
多先墜寒花只暫香巴城添淚眼今夕復秋光

### 閬州奉送二十四舅使自京赴任青城

聞道王喬鳥名因太史傳如何碧雞使把詔繫微天秦嶺  
愁回馬涪江醉泛船青城漫污雜吾舅意凄然

州  
(定公曰)漢書方士言益州有金馬碧鷄可祭祀致也  
宣帝使王褒往祀焉(鄭曰)秦嶺在秦州青城縣屬蜀

### 放船

送 蒼溪縣山寒雨不開直愁騎馬滑故作泛舟迴青惜

峰巒過黃知橘柚來江流大自在坐穩興悠哉

(鮑曰)唐志蒼溪縣屬閬州○首言泛舟之由次言泛  
船經過之景物及坐船安穩而清興悠然亦自適之  
詞賦也

### 對雨

莽莽天涯雨江邊獨立時不愁巴道路恐濕漢旌旗雪嶺

防秋急繩橋戰勝逢西戎甥舅禮未敢肯恩私

涿曰雪嶺西山也西山有松州正控吐蕃唐志註唐  
興有羊灌田朋窄繩橋二守據城今云繩橋蓋三城  
之一趙曰註山本西羌屬太宗中宗時以公主妻之  
○詩言對雨獨立之所憂者非巴山道路之險特恐  
濕漢旌旗耳何哉蓋以雪嶺繩橋防秋之急而戰勝  
之遲故也末言吐蕃有甥舅之禮未敢肯畔其愛君  
憂國之意曲折詳盡得詩人忠厚之體興而賦也

### 警言急

才名舊楚將妙略擁兵機玉壘雖傳檄松州會解圍和親

知計拙公主漫無歸青海今誰得西戎實飽飛

(公自註)時高適領西川節度使(夢弼曰)漢書邊防備  
警急是詩作於松未陷之前適嘗為淮南節度故言  
舊楚將也(立曰)言青海為吐蕃所直且勢如鷹之飽  
而飛颺不就繫泄也○詩言高適防邊以備警急而  
松州之圍未解乃知公主和親之計為拙今青海又  
為吐蕃所得實若養鷹之飽飛矣賦也

### 王命

漢北豺狼滿巴西道路難血埋諸將甲骨斷使臣鞍牢落

新燒棧蒼茫籬寨堙深懷諭蜀意慟哭望王官

(趙曰)按史肅宗時吐蕃數來請和雖知其詐姑務紓  
患是年使李之芳崔倫往聘吐蕃留不遣十月破邠

州入奉天代宗幸陝十二月陷松維保三州(鶴曰)是  
年吐蕃入寇詔焚大散關及通京畿授命郭子儀  
敵子儀久閑廢總得二十騎而行趙曰司馬相如有  
喻巴蜀檄公止取喻蜀字以言蜀父老望王官之至  
也○詩言漢北巴西之亂而諸將力戰使臣不通承  
首二句次言詔焚大散關及命子儀禦敵事末言蜀  
入深望王官之至賦也

### 征夫

十室幾人在千山空自多路衢惟見哭城市不聞歌漂梗

無沒地銜枚有荷戈官軍未通蜀吾道竟如何

(鶴曰)警急王命征夫三首皆為高適作吐蕃入寇高  
適在蜀調征夫防守卒陷松維等州故首篇有才名

妙畧之稱而其下皆敗北之事所以諷之也○此言征夫敗北道路城市間惟聞哭声今我流寓於此又值亂無安居之地然官軍不通吾道竟如何邪賦也

### 西山三首

夷界荒山頂蕃州積雪邊築城依白帝轉粟上青天蜀將

分旗鼓羗兵助鎧鉞西南背和好殺氣日相纏

希曰西山築城高欲依於白帝故下言轉粟之難如上青天非指公孫述事趙曰時吐蕃圍松州勢迫近蜀故云蜀將分旗鼓以禦之也○言夷界蕃州在積雪荒山之頂而築城運粟分將助兵以禦之者以西南北蕃背和好而殺氣日甚故爾賦也

辛苦三城戍長防萬里秋煙塵侵火井雨雪閉松州風動

將軍幙天寒使者裘漫山賊營壘回首得無憂

鶴曰蜀有火井火井縣在邛州○言三城之戍辛苦者以防萬里之秋思煙塵之及火井松州故守將不寧而通使不息應首聯且迴首而賊壘蒲山其得無憂乎賦也

子弟猶深入關城未解圍蠶崖鐵馬瘦灌口米船稀辯士

安邊策元戎決勝威今朝烏鵲喜欲報凱歌歸

涿曰蠶崖灌口並西山隘口地名趙曰鐵馬瘦不足克戰也米船稀糧餉不繼也○言兵士深入而圍未解且馬瘦糧少得無憂乎所恃者辯士有安邊之策元戎有決勝之威耳今朝烏鵲之報喜將欲奏凱而

歸于賦也

### 遣憂

亂離知又甚消息苦難直受諫無今日臨危憶古人紛紛

乘白馬攘攘著黃巾隋氏留宮室焚燒何太頻

鶴曰是年十月吐蕃陷京師代宗出幸陝蓋由宦官程元振專權遂致召亂太常博士柳沈上疏其詞切直乞斬元振首馳告天下上猶以元振有保護功削官爵放歸田里公是以有受諫無今日之句可謂憂國之言也○此公聞吐蕃陷京師消息未真之作也次以受諫臨危為言則其苦語哀傷為何如哉且又盜賊充斥而隋氏宮室焚燒何太頻邪則公憂國之心益悲矣賦也

### 巴山

巴山遇中使云自峽城來盜賊遂奔突乘輿恐未迴天寒

邵伯樹地闊望仙臺狼狽風塵裏群臣安在哉

夢弼曰三輔黃圖望仙臺漢武帝所建在華州華陰縣○詩言梓州遇中使自峽中來云盜賊猶奔突未已乘輿幸陝未還宮述中使之言也末則傷今思古以責滿朝公卿賦也

### 早蒼

西京安穩未不見一人來臘月巴江曲山茶已遍開盈盈

當雪杏豔豔待香梅直若風塵暗誰憂客鬢催



此詩觀物傷時之作蓋曰草木搖落已迴春意何朝  
廷之亂尚未清耶觀結語可見賦兼比也

### 城上

草滿巴西綠空城白日長風吹荅片片春動采茫茫八駿

隨天子群臣從武皇遙聞出巡狩早晚遍遐荒

趙曰京師陷代宗如陝此姑以巡狩而言也○首四句亦觀物思君之意末以扈從出幸比巡狩為君諱也前早荅憂風塵之暗此城上喜巡狩之行然其詞旨含蓄婉轉沉著得詩人之體裁賦也

### 送李卿擘

王子思歸日長安已亂兵霑衣問行在走馬向承明暮景

巴蜀僻春風江漢清晉山雖自棄魏闕尚含情

鶴曰按宗室世系擘大鄭王房淮安忠公瑋之子終禮部侍郎趙曰承明漢殿名夢弼曰地志闕州有晉安縣本晉城

### 收京

復道收京邑薰聞殺犬戎衣冠却扈從車駕已還宮尅復  
誠如此扶持在數公莫令回首地慟哭起悲風

鶴曰是年十月癸巳郭子儀復京師十二月車駕至自陝州○首言聞殺犬戎復收京師而車駕還宮衣冠扈從從此四句問之詞次言尅復誠然如此則扶持王室全在數公同當益謹防之勿令回首之地起

悲風而慟哭賦也

### 有感五首

將帥蒙恩澤兵戈有感于至今勞聖主何以報皇天白骨  
新交戰雲臺舊拓邊乘槎斷消息無處覓張騫

鶴曰按史唐自武德以來開拓邊境地連西域皆置  
府州縣是年吐蕃入寇盡有隴右之地故有雲臺舊  
拓邊之感又按是年遣御史大夫李之芳等使吐番  
為虜所留明年乃得歸故用漢使張騫為喻也○言  
將帥之蒙恩澤不即掃除僭亂反致戎狄猾夏故曰  
至今勞聖主何以報皇天責之之詞也未復憶使臣  
之未得歸賦也

幽薊餘地豕乾坤尚虎狼諸侯春不貢使者日相望慎勿

吞青海無勞問越裳大軍先息戰歸馬華山陽

趙曰左傳吳為封豕長蛇荐食上國青海謂西羌越  
裳謂東夷戒之以無事於彼也書偃武脩文歸馬於  
華山之陽○言幽薊雖得然尚留餘孽且方鎮跋扈  
使者相望慎勿有事於戎狄則大軍可無戰而歸焉  
矣賦也

洛下舟車入天中貢賦均日聞紅粟腐寒待翠華春莫取

金湯固長令宇宙新不過行儉德盜賊本王臣

趙曰洛陽為天地中貢賦之道路均焉洙曰漢文帝  
太倉之粟紅腐而不可食上林賦建翠華之旗蓋天

子之旗也。○京師舟車貢賦既已無阻，則倉廩將實。陳陳相曰：而禮義生矣。慎勿倚金湯之固而驕奢自恣。須令宇宙之長新，亦不過行儉德而已。且盜本皆王臣，即撫我則后，雷我則讎。之謂賦也。

丹桂風霜急，青梧日夜凋。由來疆幹地，未有不臣朝。授鉞

親賢往卑宮，制詔遙終依。古封建，豈獨聽蕭韶。

趙曰：丹桂耐風霜之物，青梧易凋之物。此引下句疆幹弱枝之意。光武紀丁恭議曰：古者封建諸侯，不過百里疆幹弱枝，所以為治也。又章帝性寬仁而親親之恩篤，故叔父濟南中山二王及諸昆弟並弱不遣就國。宗意上疏諫曰：春秋之義，諸父昆弟無所不臣，所以尊尊卑卑。疆幹弱枝也。洙曰：左傳分茅列土，親賢並建。鶴曰：是年十月，以權正造為關內兵馬元帥。又當時諸將侈於諸第，嘗下詔禁止之。○以丹桂青

梧喻疆幹弱枝如此，則未有不臣者。况親賢以建，制詔以卑宮，且使侯古之封建則治，化成矣。比而

胡滅人還亂，兵殘將自疑。空壇名絕假，報主爾何遲。領郡輒無色之官，皆有詞頭。問哀痛，詔端拱，問瘡痍。

趙曰：安史既滅，後僕固懷恩以疑而叛。李光弼以疑而沮名絕假，則真拜之，非特假節而已。言諸將蒙寵如此，故責其報主之遲也。洙曰：時縉紳皆重內官，而不樂外任。故公有無色有詞之譏也。漢武帝末年下哀痛之詔，言胡既滅而猶亂者，以兵殘而將疑如光弼懷恩輩爾。矧朝廷策壇拜將，至真無假，則諸將報君之心何遲而不速耶。責之之詞也。且領郡之官輒無色而有詞者，俱微歛之無藝也。故願下哀痛之

詔以問民之疾苦耳賦也

### 寄賀蘭鈞

朝野歡娛後乾坤震蕩中相隨萬里日終作白頭翁感晚

仍分袂江邊更轉蓬勿云俱異域飲啄幾時同

殊日張景陽味史詩昔在西京時朝野多歡娛○朝野俱平之後乃於亂離之中相隨俱老於萬里之外素何歲晚仍相別而轉蓬勿云俱在殊方而不相念飲啄幾時同也賦也

### 愁坐

高齋常見野愁坐更臨門十月山寒重孤城水氣昏葭萌

氏種迴左檐大戎屯終日百憂奔走歸期未敢論

鮑日葭萌屬利州左檐當作武檐見成都記○言高齋見野更臨門而愁坐是以山寒水氣之逼人又况葭萌武檐有氏種大戎之屯故日憂奔走而歸期未定也

### 避地

避地歲時晚竄身筋骨勞詩書逐墻壁奴僕且旌旄行在

僅聞信此生隨所遭神堯舊吳天下會見出腥臊

言避地竄身而詩書倚閣奴僕榮貴蓋自歎不偶也此生雖云行所遇而安然行在僅聞信而未真則宗社必將恢復以出腥臊蓋念國家之多難也賦也

巴西聞叔京闕送班司馬八京二首

聞道叔宗廟鳴鑾自陝歸傾都看黃屋正殿引朱衣劔外

春天遠巴西勅使稀念君經世亂匹馬向王畿

鶴曰綿州為巴西郡公是年自梓携家往閬州豈道經綿州而有此詩耶班司馬意是班安按舊史宏為高適劔南判官累拜大理司直攝監察御史必誤以司直為司馬也○首四句言收宮闕未四句言巴山送班入京賦也

群盜至今日先朝忝從臣歎君能戀主久客羨歸秦黃閣長司諫丹墀有故人向來論社稷為話涕霑巾

自安史之亂至今未定我於前朝曾忝從臣而久客於此故羨爾戀主入京而司諫且向來有故人在朝同論社稷今也為話則淚霑巾矣賦也

泛江

方舟不用楫極目總無波長日容杯酒深江淨綺羅亂離還奏樂飄泊且聽歌故國流清渭如今老正多

言今日泛江之樂雖如此然故國清渭之間老開正多於兵戈之後亦有此樂否乎賦也

江亭送眉州辛別駕昇之得蕪字

柳影含雲幕江波近酒壺異方驚會面終宴惜征途沙暖

低風蝶天晴喜浴鳧別離傷老大意緒日荒蕪

趙曰曹子建詩終宴不知疲○首言江亭之景物而曰柳影猶含雲幕江波且近酒壺今也異方適驚會面終宴又惜分手何柳影江波之不若耶興也又言江亭之景物而曰沙暖初低風蝶天晴正喜浴鳧正宜會集而又別離是以傷老大而意緒荒蕪也興也

### 陪王使君晦日泛江就蕃家亭子二首

山谿何時斷江平不肯流稍知荅改岸始驗鳥隨舟結束  
多紅粉歡娛恨白頭非君愛入客晦日更添愁

首六句言泛江之景物及宴樂之事且自歎年老末二句言晦日陪王使君且美其好客而解我之愁也

賦也

有徑金沙軟無人碧草芳野畦連畹蝶江檻俯鴛鴦日晚  
煙蒼亂風生錦繡香不須吹急管衰老易悲傷

首六句言就黃家亭子之景物及宴樂事末言不須吹急管為我衰老易悲傷故爾賦也

### 江亭王閬州筵餞蕭遂州

離亭非舊國春色是他鄉老畏歌聲短愁從舞曲長二天  
開寵餞五馬爛生光川路風煙接俱宜下鳳凰

沫曰後漢蘇章遷冀州刺史故人為清河太守章行部按其姦賊乃請太守設酒肴陳平生之好太守喜

日人皆有一天我獨有二天師曰閩與遂皆屬蜀道  
故云川路漢費霸為穎川太守是時鳳凰神爵數集  
郡國穎川尤多此以美二公為郡之治效也

### 滕王亭子

寂寞春山路君王不復行古墻猶竹色虛閣自松聲鳥雀  
荒村暮雲霞過客情尚思歌吹入千騎把霓旌

### 玉臺觀

浩劫因王造平臺訪古遊綵雲蕭史駐文字魯恭留宮闈  
通群帝乾坤到十洲人傳有笙鶴時過北山頭

趙曰道書惟有元始浩劫之家梁孝王有平臺又以  
魯恭王比滕王也王必有文墨遺跡在焉列仙傳周  
靈王太子晉好吹笙作鳳鳴嘗乘白鶴駐緱山頭○  
言此觀浩劫以來因滕王而初造今我訪古來遊果  
見蕭史彩雲之駐魯恭文字之留可以通群帝到十  
洲且人又傳時有笙鶴過此真神仙所居之地也

### 渡江

春江不可渡二月已風濤舟楫歎斜疾魚龍偃卧高渚蒼

張素錦汀草亂青袍戲問垂綸客悠悠見汝曹

首言春江之險不可渡如此而渚花汀草顏色自若  
乃戲問垂綸之客我悠悠常見汝曹果能濟世安民  
如太公望者乎此也

暮寒

霧隱平郊樹風含廣岸波沉沉春色靜慘慘暮寒多戍鼓  
猶長擊林鷺遂不歌忽思高宴會朱袖拂雲和

洙曰周禮大司樂奏雲和之琴瑟註雲和地名以其  
產良材而為琴瑟也○樹隱霧而春色靜波含風而  
暮寒多戍鼓尚猶長擊林鷺遂用不歌蓋以兵亂而  
陰氣盛暮寒多林鷺韻此忽思昇平之時高宴會而  
袖拂雲和是傷今懷古之作也賦也

遊子

巴蜀愁誰語吳門興杳然九江春草外三峽暮帆前厭就

成都卜休為吏部眠蓬萊如可到衰白問神仙

趙曰公時欲南下而尚在巴蜀故是篇有留滯之歎  
九江三峽正是南下之所歷也洙曰史嚴君避世卜  
於成都市晉畢卓為吏部郎比舍郎釀熟卓因醉夜  
卧其甕間盜飲之為掌酒者所縛明旦視之乃畢吏  
部也趙曰公意已厭佳成都言休為酒眠更留滯於  
此非止南下遊吳而已蓬萊仙山可到則亦往矣○  
第一句起第三聯第二句起第二聯末章結第二句  
詩意如趙說賦也

雙燕

旅食驚雙燕啣泥入此堂應同避燥濕且復過炎涼養子  
風塵際來時道路長今秋天地在吾亦離殊方



禹偁曰此詩子美托物以喻已意鶴旦公有出峽意  
夢符曰在傳子罕曰吾儕小人皆有闔廬以避燥濕  
寒暑○公客中見雙燕入堂驚日月于邁且日燕燕  
爾應同我避燥濕寒暑故來時不憚道路之長而養  
子於風塵之際今秋爾歸而我亦離殊方矣興而賦  
也

### 百舌

百舌來何處重重祇報春知音兼衆語整翮豈多身花密

藏難見枝高聽轉新過時如發口君側有讒人

十朋曰百舌反舌也能反覆其舌隨百鳥之音山谷  
旦周書月令芒種後十日反舌無聲是謂陰息反舌  
有聲後人在側子讀此乃解老杜百舌詩過時  
口舌何有讒人之句○言其來也祇是報春且

而兼衆語或藏於花底或鳴於枝頭其鳴其止皆有  
時候故未句及之賦而此也

### 別房太尉墓

他鄉復行役駐馬別孤墳近淚無乾土低空有斷雲對墓  
陪謝傅把劔覓徐君唯見林花落鷺啼送客聞

夢弼曰房瑄因陳濤斜之敗出守邠州歷晉漢二州  
去年召拜刑部尚書道病卒於閬州僧舍洙曰晉謝

安當符豎入寇京師震恐安夷然無懼色既而兄子  
玄等破堅右駟書至安方對客圍碁如故客問之徐

答云小兒輩遂已破賊安薨贈太傅史吳季札聘魯  
過徐徐君愛其實劔弗敢言札心知之為使上國未

獻還至徐徐君已死遂解劔繫徐君塚樹而去從者  
曰徐君已死尚誰與乎季子曰始吾以心許之豈以

死肯我心哉○公將赴蜀而別房太尉之墓哭之哀而淚濕土天亦愁而雲滿空生對墓死掛劍叙平昔交契之誼也今也惟見林蒼落而鷲啼其哀傷何如哉賦也

自閬州領妻子却赴蜀山行二首

汨汨避群盜悠悠經十年不成向南國復作遊西川物役

水虛照魂傷山寂然我生無倚著盡室畏途邊

鶴曰公出峽之意未遂聞嚴武再鎮成都遂歸草堂洙曰漢書註地著謂安土地左傳盡室以行莊子夫畏途者十殺一人則父子兄弟相戒也○避群盜已經十年欲出峽向南國而行不成乃遊西川於是見水虛照山寂然而自歎物役魂傷承首四句也若是者何哉蓋緣我生無倚著盡室畏途邊故爾賦也

長林偃風色迴復意猶迷衫裊翠微潤馬啣青草嘶  
斜避石橋斷却尋溪何日兵戈盡飄零愧老妻

洙曰棧閣道也○首言道途跋涉之事末言何日兵戈息而免此耶今也奔馳有愧於老妻言妻子亦不得寧息故爾

行色遙隱見人煙時有無僕夫穿竹語稚子入雲呼轉石  
驚魑魅抨弓落狁鼯真供一咲樂似欲慰窮途

洙曰控于車馬有行色抨彈也狁獠屬鼯鼠屬○言行色遙相隱見人煙時或有無次聯承此二句末一句結第三聯亦自寬之詞也賦也

歸來

客裏有所適歸來知路難開門野鼠走散帙壁魚乾洗約  
開新醞低頭著小冠憑誰給麴蘖細酌老江干

朱曰謝玄暉詩散帙問所知註帙書衣也沈曰爾雅郭璞註衣書中虫今人謂之壁魚

過南隣朱山人水亭

相近竹參差相過人不知幽艾歌滿樹曲木細通池歸客  
村非遠殘樽席更移看君多道氣從此數追隨

首四言朱山人水亭之景物幽雅末四句言過從之近而款洽如此於是見君多道氣將從此數數追隨

可也

過故斛斯校書宅一首

此老已云歿鄰人嗟未休竟無宣室召徒有茂陵求妻子  
寄他食園林非昔遊空餘總帷在浙浙野風秋

公自註老儒艱難時病於庸蜀歎其歿後方授一官

鶴曰即斛斯六乃草堂之隣所謂酒伴者宋曰漢文帝召賈誼於宣室司馬相如病免家居茂陵武帝使人往取其書至則相如已死問其妻曰長卿未死時

為一卷書言有使來求書奏之於是使者奏焉天子異之其遺書言封禪事謝玄暉詩茂陵將見求○此

歎斛斯公有才不見用於時死後方授一官雖妻子亦不能自給而寄食於他人何益之有故園林非昔

日比當此秋風浙浙空餘總帷在室耳則其哀傷為何如哉賦也

燕入非傍舍鷗歸祇故池斷橋無復板卧柳自生枝遂有

山陽作多慚鮑叔知素交零落盡白首淚雙垂

洙曰向秀與嵇康為竹林之遊後經山陽嵇康故居作思舊賦劉孝標絕交論素交盡利交與○首四句即前詩園林非昔遊之意而哀實過之於是多慚鮑叔之知遂有山陽思舊之作且平生素交零落已盡故老淚雙垂不能自已也賦也

### 寄邛州崔錄事

邛州崔錄事聞在果園坊久待無消息終朝有底忙應愁

江樹遠怯見野山荒浩蕩風塵外誰知酒熟香

洙曰果園坊在成都

### 長吟

江渚翻鷗戲官橋帶柳陰江飛競渡日艸見踏青心已發  
形骸累直為爛熳深賦詩新句穩不覺白長吟

### 村雨

雨聲傳兩夜寒事颯高秋挈帶看朱紱開箱覩黑裘世情  
只益睡盜賊敢忘憂松菊新霑洗茅齋慰遠遊

洙曰公為尚書員外郎服緋故用朱紱○首言夜雨作寒乃攬帶開箱而看黑裘朱紱然以世情言之只益睡耳以世亂言之敢忘憂乎第茅齋之松菊新蒙沾洗而解妍足慰遠遊之寂寞矣賦也

### 倦夜

竹涼侵卧内野月滿庭隅重露成涓滴稀星乍有無暗飛

螢自照水宿鳥相呼萬事干戈裏空悲清夜徂

言涼侵卧内月滿庭隅而重露稀星暗螢水鳥皆清夜之景物特以其在干戈之中而悲其空過耳賦也

### 樹間

岑寂雙柑樹婆娑一院香交柯低几杖垂實碍衣裳滿歲

如松碧同時待菊黃幾回霜葉露乘丹坐胡床

### 送舍弟穎赴齊州三首

岷嶺南蠻北徐關東海西此行何日到送汝萬行啼絕域

惟高枕清風獨杖藜危時暫相見衰台意都迷

趙曰徐關齊地言弟自岷蜀起發而之齊耳○言弟自蜀赴齊州何時可到耶泣而送之傷道遠也况我衰老避亂絕域與汝暫相見而又別去是故意迷而不知所云傷時危也賦也

風塵暗不開汝去幾時來兄弟分離苦形容老病催江通

一柱觀日落望鄉臺客意長東北齊州安在哉

鄭曰荆州有一柱觀成都有望鄉臺○言兵亂未已  
汝今去齊州何時可來耶知兄弟既別離之苦而我老  
病又相催促然江通荆門汝則自可赴齊州矣我身  
雖在成都而心則長在東北若齊州其安在哉蓋自  
傷既老且病恐後會之不可再歎賦也

請姑今海畔兩弟亦山東去傍干戈覓來看道路通短衣  
防戰地匹馬逐秋風莫作俱流落長瞻碣石鴻

鶴曰按范陽太君盧氏所出有適會稽賀擣會稽類  
於海也趙武靈王好胡服士皆短衣劉幸標廣絕交  
論附騏驥之旄端軼歸鴻於碣石碣石海畔山名也  
○言諸姑與兩弟之在越在齊汝今傍干戈而去覓  
看道路之通而再來短衣匹馬防戰地而逐秋風慎  
勿俱流落而不來我則長瞻碣石之鴻言拳拳望兄

弟之相會也賦也


杜律單註卷之四終

十一

杜律單註卷之四終

生員許玠續寫  
省祭官邢仁督刊





Vertical text on the right edge of the page, likely a page number or title fragment, including characters such as 一, 九, 十, 一, 十, 一, 十, 一.



